

[1] Դուրս գրման ամսաթիվ			Հաշիվ ապրանքագիր (ծառայությունների մատուցման, աշխատանքների կատարման)			[2] Սերիա		[3] Համար	
3	Դեկտեմբեր	2018 թ.				Բ		3132349486	
[4] Մատուցման ամսաթիվը						Ճշգրտվող հաշիվ ապրանքագրի			
3	Դեկտեմբեր	2018 թ.				Սերիա		Համար	
						Ճշգրտվող հաշիվ ապրանքագրի դուրս գրման ամսաթիվ			
Պայմանագիր			[5] Կնքման ամսաթիվ			[6] Համար			
[7] Լրացուցիչ տվյալներ (պայմաններ)									

<b>Ծառայություններ մատուցող (աշխատանքներ կատարող) անձի</b>												
[8] Հարկ վճարողի հաշվառման համարը (ՀՎՀՀ)					2	3	2	3	0	2	8	1
[9] Անվանումը		ՔՆԱՐԻԿ ՄԱՐԳՍՅԱՆ Անհատ ձեռնարկատեր (ԱՁ)										
[10] Բանկային տվյալները		ՀԷԲ		N 163005463282								
[11] Գտնվելու վայրը (հասցեն)		ԵՐԵՎԱՆ ՆՈՐԲ-ՄԱՐԱՇ ՆՈՐԲ-ՄԱՐԱՇ ԹԱՂԱՄԱՍՆՈՐՔ 5 Փ. 7/1										
[12] Լրացուցիչ տվյալներ		Երևան Նորք-Մարաշ թաղամաս Նորք 5 փող.7/1 տ										

<b>Ծառայություններ (աշխատանքներ) ստացող անձի</b>												
[13] Հարկ վճարողի հաշվառման համարը (ՀՎՀՀ) (ֆիզիկական անձի անձնագրի սերիան և համարը)					0	2	6	3	1	2	6	3
[14] Անվանումը		«ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՔՆՆՉԱԿԱՆ ԿՈՄԻՏԵԻ ԴԵՊԱՐՏԱՄԵՆՏ» Պետական կառավարչական հիմնարկ										
[15] Բանկային տվյալները		ՀՀ ՖՆ աշխ. Գործ.		N 900011000834								
[16] Գտնվելու վայրը (բնակության վայրը)		ԵՐԵՎԱՆ ԱՐԱԲԿԻՐ ԱՐԱԲԿԻՐ ԹԱՂԱՄԱՍ ՄԱՄԻԿՈՆՅԱՆՑ Փ. 46/5										
[17] Լրացուցիչ տվյալներ		Երևան Մամիկոնյանց թ. 46/5										
[18] Ում միջոցով		Անուն, ազգանուն										
		Լիազորագիր		Համար								
				Ամսաթիվ								

<b>[19] Ծառայությունների մատուցման (աշխատանքների կատարման) ծավալի և վճարման ենթակա գումարի հաշվարկը</b>					
№ Շ/Կ	Ծառայությունների (աշխատանքների) անվանումը (բովանդակությունը)	Չափի միավորը	Ընդունվող ծավալը կամ ժամանակահատվածը	Միավորի գինը	Արժեքը
1	2	3	4	5	6
1	թր. գործ6120117(Մե տեքսիմ ՍՊԸ) կազմվել են աղյուսակներ, տրվել է կարծիք	1	1	170000	170000
<b>Ընդամենը</b>					170000

Ծառայություն մատուցող (աշխատանք կատարող)

SARGSYAN KNARIK 7908530079

(ստորագրությունը, անունը, ազգանունը)

Ծառայություն (աշխատանք) ստացող

(ստորագրությունը, անունը, ազգանունը)

03/12/2018 11:19:52



**Ո Ր Ո Շ ՈՒ Մ**  
**մասնագիտական ստուգում նշանակելու մասին**

06 օգոստոսի 2018թ.

ք.Երևան

«Քննչական կոմիտեի զինվորական քննչական գլխավոր վարչության ՀԿԳ քննության վարչության պետի տեղակալ, արդարադատության երկրորդ դասի խորհրդական Ա.Մ.Սարգսյանս, վերանայելով վարույթիս թիվ 61209117 քրեական գործի նյութերը,

**Պ Ա Ր Զ Ե Ց Ի՝**

«Սիվիլներ» լրատվական կայքէջում «Երևան-Բաքու երկաթգծի՝ Արաքսի հատվածը՝ թալանված» վերտառությամբ հրապարակման հիման վրա «Դատախազության մասին» ՀՀ օրենքի 27-րդ հոդվածով նախատեսված լիազորությունների շրջանակներում իրականացված ուսումնասիրություններով պարզվել է, որ թեև ՀՀ տրանսպորտի և կապի նախարարության և «Հարավկովկասյան երկաթուղի» փակ բաժնետիրական ընկերության միջև կնքված կոնցեսիոն պայմանագրի հիման վրա 01.06.2008թ. հանձնման-ընդունման ակտերի համաձայն՝ Երևան-Բաքու երկաթգծի՝ Մեղրի-Կապան հատվածը՝ շուրջ 40 կմ. երկարությամբ, հանձնվել է ընկերությանը 126.590.817 դրամ մնացորդային արժեքով, սակայն 2003-2010 թվականների ընթացքում երկաթգծի նշված հատվածն ամբողջությամբ ապամոնտաժվել և հափշտակվել է անհայտ անձանց կողմից:

Դեպքի առթիվ ՀՀ գլխավոր դատախազությունում 2017 թվականի նոյեմբերի 29-ին ՀՀ քրեական օրենսգրքի 177-րդ հոդվածի 3-րդ մասի 1-ին կետով հարուցվել է թիվ 61209117 քրեական գործը և նախաքննությունը շարունակելու համար ուղարկվել ՀՀ քննչական կոմիտեի Սյունիքի մարզային վարչություն:

2018 թվականի հուլիսի 16-ին թիվ 61209117 քրեական գործը ՀՀ գլխավոր դատախազությունից ստացվել է ՀՀ քննչական կոմիտեի ԶԲԳՎ ՀԿԳ քննության վարչություն և 2018 թվականի հուլիսի 17-ին ընդունվել վարույթ:

Քրեական գործի նախաքննության ընթացքում տվյալներ են ստացվել այն մասին, որ 2010 թվականի օգոստոսի 26-ին ՀՀ ՊՆ ՆՏԱԴ պետի ՊԺԿ Վ.Հովհաննիսյանի կողմից զեկուցագիր է ներկայացվել ՀՀ պաշտպանության նախարարին այն մասին, որ երկաթգծի ռելսերի ապամոնտաժման աշխատանքների կատարման համար անհրաժեշտ է «Մեղրիի ՃՇՇՁ» ԲԲ ընկերության տնօրեն Ազատ Գասպարյանի հետ կնքել պայմանագիր՝ նկատի ունենալով, որ ապամոնտաժված ռելսերի քաշը կկազմի շուրջ 3.000 տոննա, ապա ՊՆ-ին վճարվող գումարը կկազմի շուրջ 200.000.000 ՀՀ դրամ:

2017 թվականի սեպտեմբերի 2-ին ՀՀ պաշտպանության նախարարության՝ ի դեմս պաշտպանության նախարարի տեղակալ-նյութատեխնիկական ապահովման դեպարտամենտի պետ Ալիկ Ռազմիկի Միրզաբեկյանի, և «Մեղրիի ՃՇՇՁ» ԲԲ ընկերության՝ գործադիր տնօրեն Ազատ Բենյամինի Գասպարյանի միջև կնքվել է աշխատանքների կատարման պայմանագիր, որով Ազատ Գասպարյանը պարտավորվել է պատվիրատուի համար կատարել շուրջ 3.000 տոննա ռելսերի ապամոնտաժման աշխատանքներ՝ 23.100.000 ՀՀ դրամի դիմաց:

Տվյալներ են ստացվել նաև այն մասին, որ 2010-2012թթ ընթացքում «Մետէքսիմ» ՍՊ ընկերությունը որպես սև մետաղի ջարդոն ՀՀ-ից արտահանել է օգտագործված ուղեգծեր, ուստի 2018 թվականի հուլիսի 30-ին որոշումներ են կայացվել ընկերության հարկային և մաքսային գործերի առգրավում կատարելու մասին:

2018 թվականի օգոստոսի 2-ին առգրավվել են <<Մետէքսիմ>> ՍՊ ընկերության հարկային և մաքսային գործերը:

<<Մետէքսիմ>> ՍՊ ընկերության հարկային գործի ուսումնասիրությամբ պարզվել է, որ հարկային գործում առկա են տեղեկություններ 2011-2012թթ ընթացքում ընկերության կողմից Իրանի Իսլամական Հանրապետություն <<սև մետաղի ջարդոն (օգտագործված ուղեգծերից)>> տեսակի նյութական միջոցն արտահանելու վերաբերյալ, որի ընդհանուր քանակը կազմել է շուրջ 3.518.000 կգ., մինչդեռ նույն ընկերության մաքսային գործում եղած փաստաթղթերի ուսումնասիրությամբ նշված նյութական միջոցի արտահանման վերաբերյալ տեղեկություններ չհայտնաբերվեցին, միայն առկա է ընկերության լիազոր ներկայացուցչի կողմից ՀՀ ԿԱ ՊԵԿ Արարատյան տարածաշրջանային մաքսատան պետին հասցեագրված գրություններ, համաձայն որոնց՝ ի թիվս այլ նյութական միջոցների ընկերությունն արտահանել է պողպատե ուղեգծերի ջարդոն:

Այսպիսով՝ քրեական գործով անհրաժեշտություն է առաջացել պարզել <<Մետէքսիմ>> ՍՊ ընկերության կողմից արտահանված <<երկաթգծի>>, այդ թվում՝ <<սև մետաղի ջարդոն (օգտագործված ուղեգծերից)>> տեսակի նյութական միջոցի, ձեռք բերման աղբյուրը, այն վաճառքի արդյունքում ստացված գումարը և քրեական գործով նշանակություն ունեցող այլ հանգամանքներ, որպիսիք պարզելու համար անհրաժեշտ է մասնագիտական գիտելիքների տիրապետող, քրեական գործով չչահագրգռված անձի աջակցություն, ուստի վերոգրյալից ելնելով և ղեկավարվելով ՀՀ քրեական դատավարության օրենսգրքի 55-րդ հոդվածի 4-րդ մասի 5-րդ, 12-րդ կետերով և 84-րդ հոդվածով,

#### Ո Ր Ո Շ Ե Ց Ի՝

Թիվ 61209117 քրեական գործով նշանակել մասնագիտական ստուգում, որի կատարումը հանձնարարել որպես մասնագետ նշանակված Ա/Ձ Քնարիկ Ռուբենի Սարգսյանին (ծնված 29.08.1953թ., բնակվում է ք.Երևան, Նորք, 5-րդ փողոց տուն 7/1):

Մասնագետի լուծմանն առաջադրել հետևյալ հարցերը.

1. <<Մետէքսիմ>> ՍՊ ընկերության ֆինանսատնտեսական հաշվետվությունները կազմվել են արդյոք հաշվապահական հաշվառման մասին ՀՀ օրենքի պահանջների համաձայն, թե՛ ոչ:

2. <<Մետէքսիմ>> ՍՊ ընկերության կողմից <<երկաթգծի>>, այդ թվում՝ <<սև մետաղի ջարդոն (օգտագործված ուղեգծերից)>>, տեսակի նյութական միջոցը ձեռք բերվել է, թե՛ ոչ, եթե այո, ապա երբ, կոնկրետ որ ամսին, ումից և ինչպիսի փաստաթղթերի հիման վրա, կազմված փաստաթղթերը համապատասխանում են այդ կապակցությամբ գործող իրավական ակտերի պահանջներին, թե՛ ոչ, եթե ոչ, ապա հատկապես որ պահանջին չի համապատասխանում:

3. Որքան է կազմում <<Մետէքսիմ>> ՍՊ ընկերության կողմից ձեռք բերված <<երկաթգծի>>, այդ թվում՝ <<սև մետաղի ջարդոն (օգտագործված ուղեգծերից)>>, տեսակի նյութական միջոցի քանակը՝ ըստ տարիների, ամիսների և օրերի:

4. Որքան է կազմում <<Մետէքսիմ>> ՍՊ ընկերության կողմից ձեռք բերված <<երկաթգծի>>, այդ թվում՝ <<սև մետաղի ջարդոն (օգտագործված ուղեգծերից)>>, մեկ կիլոգրամի արժեքը:

5. <<Մետէքսիմ>> ՍՊ ընկերության կողմից ձեռք բերված <<երկաթգծի>>, այդ թվում՝ <<սև մետաղի ջարդոն (օգտագործված ուղեգծերից)>>, տեսակի նյութական միջոցն ինչպես է տնօրինվել, այն վերավաճառվել է, թե՛ ոչ, եթե այո ապա երբ, որ կազմակերպությանը, ինչ հիմքով, որքան է կազմել վաճառված նյութական միջոցի մեկ կիլոգրամի արժեքը:

6. <<Մետէքսիմ>> ՍՊ ընկերության կողմից <<երկաթգիծ>>, այդ թվում՝ <<սև մետաղի ջարդոն (օգտագործված ուղեգծերից)>>, նյութական միջոցն արտահանելու կապակցությամբ ընկերության մաքսային գործում փաստաթղթեր կան, թե՛ ոչ, եթե այո, ապա դրանք կազմվել են սահմանված պահանջներին համապատասխան, թե՛ ոչ:

7. Ըստ <<Մետէքսիմ>> ՍՊ ընկերության մաքսային գործի՝ որքան է կազմել ընկերության կողմից արտահանված <<երկաթգիծ>>, այդ թվում՝ <<սև մետաղի ջարդոն (օգտագործված ուղեգծերից)>>, տեսակի նյութական միջոցի քանակը՝ ըստ տարիների, ամիսների և օրերի:

8. <<Մետէքսիմ>> ՍՊ ընկերության հարկային և մաքսային գործերում <<երկաթգիծ>>, այդ թվում՝ <<սև մետաղի ջարդոն (օգտագործված ուղեգծերից)>>, տեսակի նյութական միջոցի քանակի վերաբերյալ տեղեկությունները համընկնում են, թե՛ ոչ:

9. <<Մետէքսիմ>> ՍՊ ընկերության կողմից <<երկաթգիծ>>, այդ թվում՝ <<սև մետաղի ջարդոն (օգտագործված ուղեգծերից)>>, տեսակի նյութական միջոցի իրացման արդյունքում ընկերությունը որքան շահույթ է ստացել:

10. <<Մետէքսիմ>> ՍՊ ընկերության կողմից << բյուջեի հանդեպ ունեցած հարկային և մաքսային պարտավորությունները պատշաճ են կատարվել, թե՛ ոչ, եթե ոչ, ապա դրանց արդյունքում որքան վնաս է հասցվել <<ին>>:

11. <<Մետէքսիմ>> ՍՊ ընկերության կողմից ապրանքատեսակների արտահանման վերաբերյալ փաստաթղթերը համապատասխանում են այդ կապակցությամբ գործող իրավական ակտերի պահանջներին, թե՛ ոչ, եթե ոչ, ապա հատկապես որ պահանջին չի համապատասխանում:

12. << պաշտպանության նախարարությունն ինչ հիմքով է 2017 թվականի սեպտեմբերի 2-ին պայմանագիր կնքել Ազատ Գասպարյանի հետ, այն դեպքում, երբ վերջինս ըստ պայմանագրի հանդիսացել է ֆիզիկական անձ:

Մասնագետին խնդրել պատասխանել նաև այն հարցերին, որոնք թեև սույն որոշման մեջ չեն առաջադրվել, սակայն կարող են առաջանալ ստուգման ժամանակ:

Մասնագետին տրամադրել քրեական գործի թվայնացված նյութերը, <<Մետէքսիմ>> ՍՊ ընկերության հարկային և մաքսային գործերը:

**ՀՀ ՔԿ ՉՔԳՎ ՀԿԳ քննության վարչության պետի տեղակալ, արդարադատության երկրորդ դասի խորհրդական**



**Ա.Ա.Սարգսյան**